

Službeni glasnik BiH, broj 19/18

Na osnovu člana 12. Zakona o Vanjskotrgovinskoj komori Bosne i Hercegovine ("Službeni glasnik BiH", broj 30/01 i 72/13), Skupština Vanjskotrgovinske komore Bosne i Hercegovine, na sjednici održanoj 15.12.2017. godine, donosi

STATUT

O IZMJENAMA I DOPUNAMA STATUTA VANJSKOTRGOVINSKE KOMORE BOSNE I HERCEGOVINE

Član 1.

U Statutu Vanjskotrgovinske komore Bosne i Hercegovine - Prečišćen tekst ("Službeni glasnik BiH", broj 52/14), u članu 7. stav 1. tačka a) riječ u zagradi "EAN" briše se.

Član 2.

U članu 13. stav 4. dio teksta "st. 1. i 2." mijenja se tekstem "stava 1.".

Član 3.

U članu 17. stav 2. na kraju teksta umjesto tačke stavlja se zarez i dodaje tekst:

"i počinje teći od 1.7. godine u kojoj se vrši izbor, a završava istekom četiri godine, odnosno 30. juna."

U članu 17. iza stava 2. dodaje se novi stav 3. koji glasi:

"U slučaju da se do početka novog mandatnog perioda ne izaberu tijela koje bira Skupština, tijela koja je izabrala Skupština prethodnog saziva nastavljaju sa radom u tehničkom mandatu do izbora novih tijela."

U članu 17. dosadašnji stavovi 3. i 4. postaju stavovi 4. i 5.

Član 4.

U članu 18. stavovi 4. i 5. mijenjaju se i glase:

"Skupština najkasnije do 1. maja godine u kojoj se vrše izbori donosi odluku o raspisivanju izbora za predstavnike u Skupštini i izbor tijela koja bira Skupština, kojom utvrđuje izborne jedinice, kriterije za izbor predstavnika i tijela, kao i sva druga pitanja u vezi sa izborom.

Konstituirajuća sjednica Skupštine novog saziva održava se najkasnije do 25. juna godine u kojoj se vrše izbori, a na njoj se vrši izbor predsjednika i dva potpredsjednika Skupštine, izbor stalnih tijela Skupštine, izbor članova Upravnog odbora, izbor članova Nadzornog odbora i izbor predsjednika i dva potpredsjednika Komore."

U članu 18. stav 6. briše se.

U članu 18. dosadašnji stav 7. postaje stav 6.

Član 5.

U članu 18. a stav 1. broj "5" mijenja se brojem "4".

Član 6.

U članu 19. stav 3. iza riječi "popunjava" dodaje se dio teksta koji glasi:

"drugim predstavnikom istog privrednog društva ili".

Član 7.

U članu 23. stav 1. briše se dio teksta koji glasi: "kao i za zamjenu predstavnika u skladu sa članom 19. stav 3. Statuta.", a umjesto zareza koji prethodni ovom tekstu stavlja se tačka.

U članu 23. iza stava 2. dodaju se tri nova stava 3., 4. i 5. koji glase:

"Skupština Komore bira Verifikacionu komisiju od tri člana kao stalno tijelo Skupštine koja je nadležna za provođenje postupka i predlaganje Skupštini zamjene predstavnika u skladu sa članom 19. Statuta.

Način rada Verifikacione komisije bliže se uređuje njenim Poslovníkom o radu.

Mandat komisija iz ovog člana traje do isteka mandata Skupštine koja ih je izabrala."

Član 8.

U članu 24. stav 2. iza riječi "odnosno" riječ "tri" mijenja se riječju "četiri", a dio teksta u istom stavu "i jedan s prostora Brčko distrikta BiH" briše se.

U članu 24. iza stava 2. dodaje se novi stav 3. koji glasi:

"Član Upravnog odbora može da se izabere i sa prostora Brčko distrikta BiH, a u tom slučaju prostor Brčko distrikta se računa ili kao dio prostora Federacije BiH ili kao dio prostora Republike Srpske."

Dosadašnji stavovi 3. i 4. postaju stavovi 4. i 5.

Član 9.

U članu 34. dodaje se novi stav 7. koji glasi:

"Svaki potpredsjednik Komore obavlja sve poslove iz nadležnosti predsjednika, na osnovu međusobnog dogovora sa predsjednikom i u koordinaciji sa predsjednikom i potpredsjednikom Komore."

Član 10.

U članu 35. iza stava 2. dodaje se novi stav 3. koji glasi:

"Mandat predsjednika ili potpredsjednika Komore prestaje prije isteka mandata na koji je izabran, analogno kao i članu Upravnog odbora."

Član 11.

U članu 36. iza stava 1. dodaju se novi stavovi 2., 3., 4. i 5. koji glase:

"Imenovanje generalnog sekretara i dva zamjenika generalnog sekretara predlaže bilo koji član Upravnog odbora.

Ukupan mandat iz stava 1. ovog člana počinje teći od 1.7. godine u kojoj se vrši imenovanje, a završava istekom četiri godine, odnosno 30. juna.

Ukoliko Upravni odbor ne izvrši imenovanje do početka novog mandatnog perioda, generalni sekretar i zamjenici generalnog sekretara nastavljaju sa radom u tehničkom mandatu do imenovanja novog generalnog sekretara i dva zamjenika generalnog sekretara.

Mandat generalnog sekretara i zamjenika generalnog sekretara prestaje i prije isteka mandata na koji su imenovani razrješenjem u skladu sa internim aktima Komore koje donosi Upravni odbor,

neopozivom ostavkom ili u slučaju smrti."

U članu 36. dosadašnji stavovi 2., 3. i 4. postaju stavovi 6., 7. i 8.

U članu 36. stav 3. iza riječi "lice" tekst do kraja se briše, a umjesto njega dodaje se novi dio teksta koji glasi:

"sa poznavanjem poslova koji se obavljaju u Upravi stručnih poslova Komore, koje ima sedmi stepen obrazovanja, stručne reference u rukovođenju i organiziranju poslova i najmanje pet godina radnog iskustva sa visokom školskom spremom."

Član 12.

U članu 42. stav 1. prije tačke na kraju teksta dodaje se tekst:

"kojom neposredno rukovodi generalni sekretar u dogovoru i koordinaciji sa dva zamjenika".

U članu 42. stav 2. iza riječi "ureda", dodaje se riječ "predstavništva,".

Član 13.

U članu 46. stav 3. iza riječi "usluge" stavlja se tačka, a tekst do kraja stava "do iznosa određenog zakonom" briše se.

Član 14.

Ovaj Statut stupa na snagu danom donošenja, a objavit će se u "Službenom glasniku BiH".

Broj 01-1-01-1-2026-2/17
15. decembra 2017. godine

Predsjednica Skupštine
Ruža Sopta, s. r.